



DESIGN BOSNIA & HERZEGOVINA IN BRICKS

Poziv za mlade dizajnere i inovatore:

Pretvori znamenitost BiH u model od LEGO® kockica!

Cilj

Zadatak konkursa je osmisлити originalnu interpretaciju prepoznatljive lokacije, građevine ili kulturno-historijskog motiva iz Bosne i Hercegovine kao potencijalnog display modela inspiriranog LEGO Architecture konceptom. Rad bi bio iskorišten da po prvi put sa prostora Balkana aplicira za zvaničan ulazak u LEGO set. Cilj ove inicijative i poziva je podsticanje i podrška kreativnosti i inovativnosti mladih, a kroz njihov rad i promocija kulturno-historijskog i arhitektonskog naslijeđa Bosne i Hercegovine u zemlji i svijetu.

Ko se može prijaviti?

- Radovi mogu biti autorski ili koautorski, s tim da jedan rad može imati najviše dva (2) autora.
- Autori moraju imati između 18 i 29 godina i biti državljani BiH.

Proces selekcije:

Javni poziv se sastoji iz dvije faze. U prvoj fazi stručna komisija će najkasnije do **7.09.2026. godine** odabrati do pet (5) finalista koji će biti pozvani u mentorsku i razvojnu fazu konkursa. Tokom druge faze finalisti će, uz mentorsku i tehničku podršku, dalje razvijati svoje radove prema izvedivom LEGO modelu i formatu pogodnom za dalju kandidaturu kroz relevantne LEGO platforme i procedure. Nakon završetka druge faze, stručna komisija će na osnovu unaprijeđenih finalnih radova izvršiti konačno ocjenjivanje i dodijeliti **I, II i III nagradu** najbolje ocijenjenim autorima, odnosno autorskim timovima.

Šta treba dostaviti?

Za prijavu nije potrebno prethodno iskustvo u dizajniranju LEGO modela niti poznavanje posebnog LEGO softvera. Prijava se sastoji iz a) aplikacione forme i b) vizuelnog koncepta.

- a) Aplikaciona forma** je u prilogu ovog javnog poziva i njoj se navode slijedeće informacije:
- **Naziv koncepta i lokacije** - Odaberite jednu prepoznatljivu lokaciju, građevinu, kompleks ili urbani motiv iz Bosne i Hercegovine, koji po vama ima potencijal za globalnu prepoznatljivost.
 - **Kratko obrazloženje — maksimalno 150 riječi.** Objasnite:
 - zašto ste odabrali upravo tu lokaciju;
 - po čemu je ona prepoznatljiva;
 - koje biste njene elemente posebno naglasili u LEGO interpretaciji.
 - **Kratak opis modela** - U nekoliko rečenica navedite:
 - koje elemente lokacije model uključuje;
 - šta biste pojednostavili ili stilizirali;
 - šta mora ostati prepoznatljivo;
 - kako zamišljate osnovu/bazu modela.

b) Vizualni koncept - Prijava treba sadržavati najmanje tri vizuelna prikaza budućeg modela: jedan glavni prikaz i najmanje dva dodatna prikaza iz drugih perspektiva ili prikaze važnih detalja. Koncept može biti u nekom od sljedećih formata:

- digitalna ilustracija;
- 3D render;
- kolaž;
- fotografija fizičke makete;
- LEGO digitalni model i sl.

Vizuelni koncept može biti dostavljen u PDF, JPG ili PNG formatu, pri čemu ukupna veličina svih fajlova ne smije prelaziti **20 MB**. Ukoliko su fajlovi veći od 20 MB, kandidat ih može dostaviti putem **WeTransfer** ili **drugog servisa za razmjenu fajlova**, uz obavezan funkcionalan link za preuzimanje naveden u emailu prijave.

Nije potrebno dostavljati:

U prvoj fazi konkursa **nije** potrebno izrađivati:

- detaljne LEGO instrukcije za sastavljanje, tačan popis LEGO kockica, tehničke nacрте, fizički LEGO prototip, profesionalni 3D model, BrickLink Studio model.

Poznavanje BrickLink Studio programa **nije** uslov za prijavu.

Finalna faza

Autori najbolje ocijenjenih prijedloga bit će pozvani u finalnu fazu u kojoj će, uz mentorsku i tehničku podršku, svoje ideje dalje razvijati tokom septembra prema izvedivom LEGO modelu.

Finalisti će dobiti osnovne smjernice za rad u BrickLink Studio programu i edukacijsku podršku pri prilagođavanju koncepta stvarnim LEGO elementima.

Finalna, mentorska i razvojna faza konkursa trajat će tokom septembra 2026. godine, od objave rezultata prve faze do završetka finalnih radova. Tačan raspored mentorskih aktivnosti i rok za dostavu unaprijedenih finalnih radova bit će dostavljeni odabranim finalistima zajedno sa obavijesti o ulasku u drugu fazu konkursa. Konačni rezultati i dobitnici I, II i III nagrade bit će objavljeni najkasnije do 30.09.2026. godine.

Šta tražimo?

Ne tražimo savršen LEGO model.

Tražimo dobru i inovativnu ideju, prepoznatljivost Bosne i Hercegovine i kreativno razmišljanje o tome kako kompleksnu arhitekturu ili prostor pretvoriti u jednostavan, atraktivan model od kockica.

Radovi moraju biti originalni, neobjavljeni i neprezentirani u drugim konkursnim ili javnim formatima

Način prijave:

- Rok za slanje aplikacija (aplikaciona forma i vizuelni koncept) je **1.09.2026. godine do 15:00h** isključivo na email: **info@munja.ba** sa naslovom: Design BH in Bricks.
- Nepotpune i zakašnjele aplikacije se neće uzeti u obzir.
- Proglašenje finalista bit će objavljeno na STAR.study najkasnije do 7.09.2026. godine uz slanje emaila sa dodatnim informacijama o narednoj fazi takmičenja.

Kriteriji ocjenjivanja:

Pristigli radovi će se ocjenjivati prema sljedećim kriterijima: originalnost i inovativnost koncepta (30%), prepoznatljivost i značaj odabrane znamenitosti Bosne i Hercegovine (25%), vizuelna i dizajnerska

kvaliteta rješenja (20%), potencijal za uspješnu interpretaciju u formi LEGO modela (20%) te kvalitet i jasnoća prezentacije koncepta (5%).

Nagrade

Ukupni fond za ovaj poziv je 8.000 KM koji će biti raspoređen kroz novčane nagrade i posebnu mentorsku podršku za izradu finalnog modela. U okviru ovoga fonda organizator će za najbolje ocijenjene radove dodijeliti tri (3) novčane nagrade, i to: I nagrada: 5.000,00 KM, II nagrada: 2.000,00 KM i III nagrada: 1.000,00 KM.

Ukoliko, po mišljenju Komisije, kvalitet pristiglih radova ne bude zadovoljavao odgovarajuće stručne i umjetničke kriterije, nagrade se neće dodijeliti.

Radove pristigle na Javni poziv ocjenjivat će posebno formirana stručna komisija, u skladu sa kriterijima Javnog poziva i standardima iz oblasti arhitekture, umjetnosti i dizajna.

Prava i obaveze Organizatora i autora

Prijavom na Javni poziv autori prihvataju da Organizator može:

- koristiti dostavljene radove u promotivne svrhe,
- pokrenuti postupak kandidiranja/promocije rada prema relevantnim LEGO platformama i programima, uz saradnju s autorom.
- javno prezentirati radove putem medija i događaja,
- uključiti nagrađene radove u zvanične nominacijske i promotivne materijale.

Odabrani finalisti prihvataju da aktivno sudjeluju u obuci i mentorskom programu odnosno drugoj fazi u kojoj se izrađuje finalni model.

Autori zadržavaju moralna autorska prava na prijavljene koncepte, dok nagrađeni autori Organizatoru daju pravo korištenja i daljeg razvoja rada u svrhu realizacije, promocije i međunarodnog kandidiranja ove inicijative.

Dodatne informacije i pitanja

Do 27.08. možete postaviti pitanja direktno organizatoru isključivo putem emaila: info@munja.ba.

Rezultati prve faze bit će objavljeni na www.star.study.

Organizator ovoga poziva je Inkubator društvenih inovacija MUNJA sa svojom STAR.study platformom uz partnerstvo i podršku Federalnog ministarstva obrazovanja i nauke i dr. partnera.